



ზოგადსაგანმანათლებლო
დანესაბუღებების ავტორიზაციის საბჭო

13/12/2024



MES 0 24 0001609599

გადაწყვეტილება

„სსიპ -მურთაზ ირემადის სახელობის ჩოხატაურის მუნიციპალიტეტის სოფელ ზოტის საჯარო სკოლის ავტორიზაციის შესახებ“ზოგადსაგანმანათლებლო დაწესებულებების ავტორიზაციის საბჭოს 2023 წლის 22 დეკემბრის N1750749 ოქმის მეათე ნაწილში ცვლილების შეტანის შესახებ

ზოგადსაგანმანათლებლო დაწესებულებების ავტორიზაციის საბჭოს სხდომაზე გამოვლენილი გარემოებების შესწავლის, შეფასებისა და ურთიერთშეჯერების შედეგად და საქართველოს ზოგადი ადმინისტრაციული კოდექსის 63-ე მუხლის პირველი პუნქტის საფუძველზე,

საბჭომ გადაწყვიტა:

1. შევიდეს ცვლილება „სსიპ - მურთაზ ირემადის სახელობის ჩოხატაურის მუნიციპალიტეტის სოფელ ზოტის საჯარო სკოლის ავტორიზაციის შესახებ“ ზოგადსაგანმანათლებლო დაწესებულებების ავტორიზაციის საბჭოს 2023 წლის 22 დეკემბრის N1750749 ოქმის მეათე ნაწილში და ჩამოყალიბდეს შემდეგნაირად:

„საბჭოს თავმჯდომარემ დაწესებულების წარმომადგენლებს მიმართა, ხომ არ ჰქონდათ საბჭოს წევრების მიმართ აცილება. დაწესებულების წარმომადგენლებმა დაადასტურეს, რომ საბჭოს წევრების მიმართ აცილება არ ჰქონდათ.

საბჭოს თავმჯდომარემ დავით მაღაზონიამ მიმართა საბჭოს წევრებს, დაედასტურებინათ, რომ იცნობდნენ ავტორიზაციის ექსპერტთა ჯგუფის დასკვნას და დაწესებულების მიერ წარმოდგენილ არგუმენტირებულ პოზიციას დასკვნის პროექტთან მიმართებით. საბჭოს წევრებმა დაადასტურეს, რომ იცნობდნენ საქმის მასალებს. საბჭოს თავმჯდომარემ ჰკითხა დაინტერესებული მხარის წარმომადგენელს იცნობდა თუ არა ავტორიზაციის ექსპერტთა ჯგუფის დასკვნას. წარმომადგენელმა დაადასტურა, რომ იცნობდა დასკვნას. შესაბამისად, საბჭოს თავმჯდომარემ საბჭოს მდივანს სთხოვა, რომ ექსპერტთა ჯგუფის დასკვნა დაერთო ოქმისთვის, როგორც მისი განუყოფელი ნაწილი.

ექსპერტთა ჯგუფის დასკვნა საბჭოს სხდომაზე წარადგინა ზოგადი განათლების ხარისხის უზრუნველყოფის ექსპერტმა, ლია ჯალაღონიამ, რომელმაც განაცხადა, რომ დაწესებულებაში საავტორიზაციო ვიზიტი განხორციელდა 2023 წლის 23 და 24 ოქტომბერს. სკოლა მდებარეობდა ჩოხატაურის მუნიციპალიტეტ, სოფელ ზოტში. დაწესებულება ახორციელებდა ზოგადი განათლების დაწყებითი, საბაზო და საშუალო საფეხურების ზოგადსაგანმანათლებლო პროგრამებს ქართულ ენაზე.

ზოგადსაგანმანათლებლო დაწესებულების სტატუსის მაძიებლის თვითშეფასების ფორმის თანახმად, დაწესებულების მიერ მოთხოვნილი მოსწავლეთა ადგილების ზღვრული რაოდენობა შეადგენდა 200 მოსწავლეს. აქვე, ექსპერტმა განმარტა, რომ აღნიშნულ მოთხოვნას ეთანხმებოდა ექსპერტთა ჯგუფი და დაწესებულებას შეეძლო შესაბამისი საგანმანათლებლო მომსახურება გაეწია 200 მოსწავლისთვის.

ლია ჯალაღონიას განცხადებით, ექსპერტთა ჯგუფმა შეისწავლა სკოლის მიერ წარმოდგენილი დოკუმენტაცია, განახორციელა დაწესებულებაში ვიზიტი და ჩაატარა ინტერვიუები სკოლის ადმინისტრაციასა და მასწავლებლებთან. დაწესებულების შეფასების პროცესში გამოიკვეთა ავტორიზაციის სტანდარტებთან შეუსაბამობები, თუმცა ექსპერტმა განმარტა, რომ დაწესებულების მიერ არგუმენტირებული პოზიციის სახით სტანდარტებთან შესაბამისობის უზრუნველყოფის გეგმის წარმოდგენის შემდეგ შეფასება შეიცვალა. კერძოდ, პირველი სტანდარტი, შეფასდა, როგორც „შეესაბამება სტანდარტის მოთხოვნებს, თუმცა კომპონენტი 1.2 შეფასებული იყო მეტწილი შესაბამისობით. მესამე სტანდარტი შეფასდა „ნაწილობრივ შესაბამისად“, რადგან კომპონენტები 3.4, 3.5 და 3.6 შეფასებული იყო მეტწილი შესაბამისობით. სტანდარტთან მეტწილ შესაბამისობაში იყო მეორე სტანდარტის სამივე საფეხურის ზოგადსაგანმანათლებლო პროგრამა, ვინაიდან კომპონენტი 2.2 შეფასებული იყო „მეტწილ შესაბამისად“. რაც შეეხება მეოთხე სტანდარტს, ექსპერტთა ჯგუფმა შეაფასა როგორც „შეესაბამება სტანდარტის მოთხოვნებს“, თუმცა კომპონენტი 4.2 შეფასებული იყო მეტწილი შესაბამისობით.

ლია ჯალაღონიამ აღნიშნა, რომ თითოეულ ინდიკატორთან დაკავშირებით, რომელიც შეფასდა „მეტწილი“ ან „ნაწილობრივ“ შესაბამისობით, ექსპერტთა ჯგუფის მიერ დაწესებულებისათვის გაცემული იყო რეკომენდაციები. აღნიშნული რეკომენდაციები აღწერილი იყო ზოგადსაგანმანათლებლო დაწესებულებების ავტორიზაციის ექსპერტთა ჯგუფის დასკვნაში. დასკვნა ასევე მოიცავდა ექსპერტთა ჯგუფის მიერ გაცემულ რჩევებს.

ექსპერტმა ისაუბრა სკოლის საუკეთესო პრაქტიკასთან დაკავშირებით და აღნიშნა, რომ დაწესებულება ზრუნავდა პროფესიული ინტერესების ფორმირებაზე სხვადასხვა არაფორმალური სასწავლო აქტივობით. სკოლა გეგმავდა და ახორციელებდა ვიზიტებს, ასევე, მასპინძლობდა პროფესიულ საგანმანათლებლო დაწესებულებებს. ექსპერტის თქმით, დაწესებულებამ განახორციელა პროექტი, სახელწოდებით - „ჯუნიორ ეჩივმენტი“, რომელიც ფოკუსირებული იყო მოზარდთა პროფესიულ ორიენტაციასა და მათი , სამეწარმეო კომპეტენციის განვითარებაზე და ის დაუკავშირა თემის მწვავე პრობლემას (დასაქმება, უმუშევრობა). შედეგად, რამდენიმე უფროსკლასელ მოსწავლეს დაუფინანსდა ინდუსტრიული (ინკუბატორი, სალონი, მეცხოველეობა).

საბჭოს თავმჯდომარემ მიმართა საბჭოს წევრებს, ხომ არ ჰქონდათ შეკითხვები სკოლის წარმომადგენლებთან ან ექსპერტებთან.

საბჭოს წევრმა, კითხვით მიმართა ექსპერტებს დაეზუსტებინათ, ჰყავდა თუ არა დაწესებულებას სსსმ მოსწავლე. დასმული შეკითხვის საპასუხოდ ღია ჯალალონიამ განაცხადა, რომ სკოლაში ირიცხებოდა ერთი სსსმ მოსწავლე.

საბჭოს თავმჯდომარემ, დავით მაღაზონიამ, სთხოვა სკოლის დირექტორს საბჭოსთვის წარმოედგინა ინფორმაცია, თუ როგორ აპირებდა სკოლა ექსპერტების მიერ გაცემული რჩევებისა თუ რეკომენდაციების გათვალისწინებას, ასევე, ხარვეზების გამოსწორებას. დასმული შეკითხვის საპასუხოდ, სკოლის დირექტორმა, ნანა ირემამემ, განაცხადა, რომ დაწესებულება აქტიურად მუშაობდა აღნიშნული საკითხების გამოსწორებაზე, მათ შორის, დაწესებულებამ, მოიპოვა ოფიციალური თანხმობა მიეღო ექთანი და აპირებდა შესაბამისი ვაკანსიის გამოცხადებას. მისი თქმით, ბიბლიოთეკაში დამონტაჟდა გასაშლელი პანდუსი. სკოლა, ასევე, მუშაობდა შვიდწლიან სტრატეგიულ გეგმაზე და სხვა ხარვეზებზე, რომლებიც დაფიქსირებული იყო დასკვნაში

საბჭოს თავმჯდომარემ მიმართა საბჭოს წევრებს, ხომ არ ჰქონდათ დამატებითი შეკითხვები სკოლის წარმომადგენლებთან ან ექსპერტებთან.

საბჭოს წევრებს შეკითხვები არ ჰქონდათ.

საბჭოს თავმჯდომარემ კენჭისყრაზე დააყენა სსიპ - მურთაზ ირემადის სახელობის ჩოხატაურის მუნიციპალიტეტის სოფელ ზოტის საჯარო სკოლის ავტორიზაციისა და მოსწავლეთა ადგილების ზღვრული რაოდენობის 200-ით განსაზღვრის საკითხი.

კენჭისყრის შედეგები:

მომხრე- 11

წინააღმდეგი - 1

საბჭოს ერთ-ერთმა წევრმა მხარი არ სსიპ - მურთაზ ირემადის სახელობის ჩოხატაურის მუნიციპალიტეტის სოფელ ზოტის საჯარო სკოლის ავტორიზაციის მინიჭების საკითხს, ვინაიდან დაწესებულებას არ ჰქონდა შენობის მდგრადობის შესახებ დასკვნა. შესაბამისად, მოსწავლეთა უსაფრთხოებისა და მათი საუკეთესო ინტერესებიდან გამომდინარე, იგი მხარს არ უჭერდა სკოლისთვის ავტორიზაციის მინიჭების საკითხს.

გადაწყვეტილება:

„განათლების ხარისხის განვითარების შესახებ“ საქართველოს კანონის მე-11 მუხლის მე-2 პუნქტის „ა“ ქვეპუნქტის, მე-12 მუხლის, საქართველოს განათლებისა და მეცნიერების მინისტრის 2010 წლის 1 ოქტომბრის N99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულების“ მე-20 მუხლის პირველი პუნქტის „ა“ ქვეპუნქტის, 21-ე მუხლის პირველი, მე-2 და მე-3 პუნქტებისა და 27-ე მუხლის მე-4 პუნქტის შესაბამისად, სსიპ - მურთაზ ირემადის სახელობის ჩოხატაურის მუნიციპალიტეტის სოფელ ზოტის საჯარო სკოლას (ს/კ: 242007369) 6 წლის ვადით მიენიჭოს ზოგადსაგანმანათლებლო დაწესებულების სტატუსი და მოსწავლეთა ადგილების ზღვრული რაოდენობა განესაზღვროს 200-ით. დაწესებულებას მიენიჭოს უფლებამოსილება განახორციელოს შემდეგი ზოგადსაგანმანათლებლო პროგრამები:

N	ზოგადსაგანმანათლებლო პროგრამის სახელწოდება	ზოგადსაგანმანათლებლო პროგრამის საფეხური	ზოგადსაგანმანათლებლო პროგრამის განხორციელების ენა	ზოგადსაგანმანათლებლო პროგრამის განხორციელების ადგილი (მუნიციპალიტეტის, ქალაქის, დაბის/სოფლის და ქუჩის მითითებით)

1	ზოგადი განათლების დაწესებულების საფეხურის ზოგადსაგანმანათლებლო პროგრამა	დაწესებულებით	ქართული	ჩოხატაურის მუნიციპალიტეტი, სოფელი ზოტი
2	ზოგადი განათლების საბაზო საფეხურის ზოგადსაგანმანათლებლო პროგრამა	საბაზო	ქართული	ჩოხატაურის მუნიციპალიტეტი, სოფელი ზოტი
3	ზოგადი განათლების საშუალო საფეხურის ზოგადსაგანმანათლებლო პროგრამა	საშუალო	ქართული	ჩოხატაურის მუნიციპალიტეტი, სოფელი ზოტი

საბჭომ შუამდგომლობით მიმართა ცენტრს დაწესებულებაში მონიტორინგის განხორციელებასთან დაკავშირებით:

მონიტორინგის დაწყების პერიოდი - 2025 წლის დეკემბრიდან;

მონიტორინგის განხორციელების ფორმა - ექსპერტთა ჯგუფის მიერ დოკუმენტაციის შესწავლა;

მონიტორინგის ფარგლები: მე-2 (ზოგადი განათლების დაწესებულებით, საბაზო და საშუალო საფეხურის ზოგადსაგანმანათლებლო პროგრამები) სტანდარტი


საბჭომ 1.2, 3.4, 3.5, 3.6 და 4.2 კომპონენტების შეფასების გათვალისწინებით, ზოგადსაგანმანათლებლო დაწესებულებას განუსაზღვრა რეკომენდაციები და რეკომენდაციების შესრულების პროგრესის შესახებ ცენტრის ინფორმირების ვალდებულება 2025 წლის დეკემბრამდე, კერძოდ, 1.2 კომპონენტთან მიმართებით, დაწესებულებას უნდა დაემტკიცებინა შვიდწლიანი სტრატეგიული განვითარებისა და ერთწლიანი სამოქმედო გეგმები. ასევე, 3.4 კომპონენტთან მიმართებით წარმოედგინა შესაბამის უფლებამოსილ ორგანოს მიერ შეთანხმებული სკოლის საგანგებო სიტუაციების მართვის გეგმა, შენობის სახანძრო უსაფრთხოებისა და შენობის მდგრადობის შესახებ დასკვნა. 3.5 კომპონენტთან დაკავშირებით სკოლას უნდა უზრუნველყო რესურს-ოთახის მოწყობა და ბიბლიოთეკასთან პანდუსის განთავსება. 3.6 კომპონენტთან მიმართებით სკოლას უნდა ჩაეტარებინა სკოლის ვებ-გვერდის შესაქმნელი ღონისძიებების (შესაბამის უწყებასთან კომუნიკაციის წარმართვა; ვებ-გვერდის ადმინისტრირებაზე პასუხისმგებელი პირის განსაზღვრა; ვებ გვერდზე სტანდარტით მოთხოვნილი ინფორმაციის ასახვა.) 4.2 კომპონენტთან დაკავშირებით კი სკოლას უნდა უზრუნველყო სსსმ მოსწავლესთან მუშაობის მექანიზმის კომპონენტების შემუშავება (მოსწავლესთან ინდივიდუალური მუშაობის გეგმა, ისე ჯგუფის შექმნა, ინკლუზიური განათლების გეგმის შესრულების შიდა მონიტორინგის ჯგუფის შექმნა).“

2. ზოგადსაგანმანათლებლო დაწესებულებების ავტორიზაციის საბჭოს 2024 წლის 13 დეკემბრის N1608032 სხდომის ოქმის მეცამეტე ნაწილი ცნობილ იქნას ამ გადაწყვეტილების განუყოფელ ნაწილად.

3. ზოგადსაგანმანათლებლო დაწესებულებების ავტორიზაციის საბჭოს გადაწყვეტილების გასაჩივრება შესაძლებელია კანონმდებლობით დადგენილი წესით და ვადაში, სააპელაციო საჩივრის სააპელაციო საბჭოში წარდგენის გზით (შემდეგ მისამართზე: ქ. თბილისი, მ.

ალექსიძის ქ. მეორე შესახვევი №2) ან ქ. თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით (შემდეგ მისამართზე: დავით აღმაშენებლის ხეივანი, N64).

სსიპ-განათლების ხარისხის განვითარების ეროვნული
ცენტრი
ზოგადსაგანმანათლებლო დაწესებულებების
ავტორიზაციის საბჭო
საბჭოს თავმჯდომარე
მალაზონია დავით



სსიპ-განათლების ხარისხის განვითარების ეროვნული
ცენტრი
ზოგადსაგანმანათლებლო დაწესებულებების
ავტორიზაციის საბჭო
საბჭოს მდივანი
ჯინჭარაძე მანანა

